

Segun Eric Zaandam, presidente di SPA:

Mester cambia e sistema di castiga polisnan hoben ora nan ta fout

No ta necesario pa destrui henter nan carera policial!



ORANJESTAD (AAN) — Eric Zaandam, presidente di sindicato SPA, a bisa den entrevista pa DIARIO, en ocasion di a celebra ayera e di 20 aña di status aparte di Cuerpo Policial Aruba, cu e ta lamenta e forma con e polisnan hoben ta worde castiga ora nan comete un fout.

Segun Eric Zaandam, ultimo añanan KPA ta nota cu cada bez cu nan mester coregi un polis hoben nan ta cla pa strafe' e, pa castigue, y pa destrui henter su bida den un carera policial. Esaki ta algo cu mester bringa pa den otro forma, un polis hoben cu haci un fout haya un sorto di castigo, pero no pa destrui henter su bida.

El a subraya cu tin hopi hoben di 20 pa 22 aña cu ora

nan haci fout mayornan ta castiga nan, pero no ta destrui nan, y esey tambe mester tuma lugar den Cuerpo Policial unda tin hopi hoben, y ora cu nan comete un fout mester bin cu un sorto di guia pa motiva nan pa nan siña e sistema di Cuerpo Policial, pero no castiga nan manera ta sosode aworaki.

Pero den termino general, KPA por ta orguyoso di su 20 aña di existencia como instancia autonomo, unda no por bisa cu e Cuerpo aki ta corrupto, of por manipule manera ta sosode den cierto paisnan Latino. KPA ta traha cu hopi respet, cu hopi disciplina, y asina mester sigui, y guia e polisnan hoben pa den futuro nan duna e mesun ehemplo cu e polisnan di antes.

Riba e pregunta tocante e funcionarionan halto cu ta abandonando Cuerpo Policial, Eric Zaandam a

señala cu ultimo añanan por a nota cu tin un tiki malcontento riba e sistema aki di castiga un hende den KPA, y esaki ta crea disgusto. Hopi di e funcionarionan halto cu ta bay ta pasobra tin miedo.

Tambe ta asina cu hendenan cu a cumpli 35 y 40 aña di servicio no a haya ni un danki di gobierno, y nan tin temor di bisa cu nan kier sigui te final di nan carera den KPA, pasobra local ta sosode cerca e pensionadonan ta cu ni un danki nan ta haya, y nan ta puntra pakico keda mas den Cuerpo Policial.

Zaandam a expresa cu mester motiva back e personanan aki pa nan keda y sinti e smak den KPA y cu un polis ta e curazon di e Cuerpo, y cu nan no kier abandona e institucion te ora nan edad di pension yega.

KPA mester trece paz y alegria back den Cuerpo

Policial, segun Zaandam, pa nan bolbe funciona manera mester ta. Aworaki tin un tiki disgusto y inkietud, y nan ta

spera cu e proximo Alto Comisario cu bin, por trece e paz y alegria aki back.

Muher a perde memoria den Paradijs

ORANJESTAD (AAN): Tabata den oranan di merdia Central di polis a dirigi patruya na un cas den Paradijs pa un asistencia.

Ta asina cu a haya un señora kende no sa su nomber y tampoco no sa su adres.

Personal di ambulans tabata na e lugar caba pa duna asistencia na un señora cu habitante a nota cu posiblemente por ta trata di un pacient cu ta ricibi tratamiento na Paaz.

Esaki ta debi cu señora

mester ta usando medicina of a usa otro substancia, cu el a perde su memoria temporalmente.

Pa no laga e señora riba caya pa su cuenta e habitante a hibe su cas y reporta e caso na autoridad. Personal di ambulans a percura pa transporta e señora pa hospital mesora pe ricibi atencion medico. Lo bay saca afor tambe kende e persona aki ta pa asina notifica su famianan.

PUEBLO SU WOWO NO MAG HABRI!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

